



# Countywide Planning Policies

## Economy



King County

### Pangkalahatang-ideya

Sinusuportahan ng kabanatang Economy (Ekonomiya) ng **Countywide Planning Policies** (mga CPP, Mga Patakaran sa Pagpapalano sa Buong County) ang umuunlad, matatag, at dibersibong ekonomiya sa buong county. Sinusuportahan at ipinatutupad ng mga patakarang ito ang [Regional Economic Strategy \(Panrehiyong Estratehiya para sa Ekonomiya\)](#), ang komprehensibong estratehiya para sa pagpapaunlad ng ekonomiya ng rehiyon.

Tinutugunan ng mga CPP sa kabanatang Economy ang mga tungkulin at responsibilidad ng lokal na pamahalaang sumusuporta sa pagbuo, pagpapanatili, at pagpapalawak ng negosyo. Hinihikayat din ng mga CPP ang mga pagkilos para mabawasan at mapagaan ang mga hindi pagiging patas sa ekonomiya, at sinisigurong nagbibigay ang ekonomiya ng mga patas na pagkakataon para sa lahat, partikular na sa panahon ng kahinaan at pagbawi.

Bilang karagdagan sa pagsuporta sa kalusugan ng ekonomiya ng mga hurisdiksyon sa buong county, sinusuportahan ng mga patakaran ang mga kaugnay na layunin para mapabuti ang kalidad ng buhay, bumuo ng malusog na kapaligiran, at mapanatili ang mga likas na yaman at kaugnay na trabaho.

### Mga Pagbabago sa Patakaran

Tinutugunan ng mga iminumungkahing update sa mga CPP sa kabanatang Economy ang mga update sa panrehiyong patakaran, batas ng estado, at pagiging patas sa ekonomiya ng buong county.

Tinutugunan ng mga iminumungkahing update na ito ang pagiging patas sa pamamagitan ng pagpapatibay sa katatagan ng ekonomiya, pagprotekta sa mga negosyong makabuluhan sa kultura, at pagpigil at pagbawas laban sa economic displacement (limitasyon sa access sa mapagkukunan dahil sa paglipat), lalo na sa Black, Indigenous, and other communities of color (Iim, Katutubo, at iba pang komunidad na hindi puti).

Hinihikayat din ng mga update sa mga CPP ang pagpapaunlad para sa mga nagtatrabaho, pakikipagtulungan sa mga programang pang-edukasyon, at pagsuporta sa paggawa at pagpapanatili ng mga trabahong nasa katamtamang antas ang sahod sa buong county.

Gagabayan ng mga na-update na patakaran ang mga lokal na hurisdiksyon para makagawa ng mas malakas na koneksyon sa pagitan ng trabaho at pabahay, masigurong mas maraming residente ang magkakaroon ng mga pagpipilian para ma-access ang mga trabahong maayos ang sahod, mabawasan ang oras ng pagbiyahe, at makagawa ng mga buhay na buhay na komunidad ng negosyo sa buong county.

### Mga Epekto ng Mga Pagbabago sa Patakaran

- Sinusuportahan ang paggawa at pagpapanatili ng dibersibong ekonomiyang nakatuon sa mga trabahong nasa katamtamang antas ang sahod.
- Ipinagtatibay ang ugnayan ng trabaho at pabahay sa pamamagitan ng paghikayat sa hanay ng mga oportunidad sa trabaho na malapit sa pabahay.
- Nangangasiwa sa mga desisyon sa pampublikong pamumuhunan para protektahan at isalang-alang ang mga epekto sa mga distrito ng negosyong makabuluhan sa kultura.
- Binibigyang-diin ang suporta para sa mga trabahong pinakakailangan ng proteksyon, kabilang ang mga pangunahing grupo ng industriya at maliliit na negosyong lubos na maaapektuhan ng pagbabago.
- Hinihikayat ang pagpapalano para sa mga kahinahang nauugnay sa ekonomiya at nagbibigay ng mga direktang mapagkukunan para mabawasan ang mga hindi pagiging patas.

### Kailangan Namin ang Inyong Input!

Kung nais mong magbigay ng pampublikong komento, may katanungan ka tungkol sa mga CPP o sa pamamahala ng pagsulong, o nais mong makibahagi, mangyaring magpadala ng email sa [gmpc@kingcounty.gov](mailto:gmpc@kingcounty.gov) o makipag-ugnayan kay Ben Larson sa pamamagitan ng pagtawag sa (206) 263-9560.

### Ano ang Countywide Planning Policies?

Ang Countywide Planning Policies o mga CPP ay isang serye ng mga patakarang tumutugon sa mga isyu sa pamamahala ng pagsulong sa King County. Tinitipon ng Growth Management Planning Council (GMPC, Konseho sa Pagpapalano ng Pamamahala ng Pagsulong) ang mga nahalal na opisyal mula sa King County at mga lungsod at hurisdiksyon sa loob nito para mabuo ang mga CPP.

Nagbibigay ang mga CPP ng bisyon para sa buong county at nagsisilbi itong framework para sa King County at sa bawat lungsod sa King County para buuin ang sarili nitong komprehensibong plano, na dapat ay alinsunod sa mga CPP at sa [VISION 2050 \(BISYON SA 2050\)](#).

Para sa higit pang impormasyon tungkol sa mga CPP, Mga Komprehensibong Plano, at iba pang impormasyong may kaugnayan sa pamamahala ng pagsulong, mangyaring pumunta sa page ng Regional Planning (Panrehiyong Pagpapalano) ng King County sa pamamagitan ng pag-click sa [link na ito](#).